

嘉慶新修江寧府志

新修江寧府志卷之九

古蹟中

吳太初宮三國志吳主傳赤烏十年權適南宮三月改

作太初宮

注引江表傳載權詔徙武昌宮邨瓦更繕治之

內有神龍殿

昭明宮三國志孫皓寶鼎二年起昭明宮注引晉太康

三年地記太初宮方三百丈昭明宮方五百丈吳歷云

在太初之東

江表傳云皓營新宮大開園圍起上山樓觀功役之費以億萬計

內有赤

烏殿

晉新宮一曰建康宮卽吳太初宮趾元帝渡江備百官

立宗廟於建康城卽所謂臺城者也成帝時蘇峻之亂

宮闕灰燼咸和五年始繕苑城作新宮

通鑑王含錢鳳之來或謂苑城

小而不固注云苑城孫氏都建業所築晉置孝武帝時

建康於秣陵水北南渡建都依苑城以爲守

世說注

宮室敝壞太元三年更作新宮其前有太極殿

晉紀高八丈長二十七丈廣十丈金陵新志引晉紀曰初造殿欠一梁忽有梅木流至石頭城下因取爲梁畫

梅花於上陳高紀永定三年新造太極殿欠一柱忽有

樟木流至陶家後渚詔以造殿世說太極殿成謝公欲

屈王獻之題榜獻之不欲遂止景定志引宮苑記云太

極殿前有二大鐘宋武帝平洛所獲蓋漢魏舊物也

中堂南皇堂

王敦之亂明帝屯於中堂齊高紀桂陽王休範反帝曰中堂舊是置兵地領軍宜屯

宣陽門爲諸軍節度則中堂當在宣陽門外晉孝武紀

以太學在秦淮南去城懸遠權以中堂爲太學釋奠通

鑑晉明紀王含之來帝帥諸軍屯南皇堂遣段

秀渡水平旦戰於越城則南皇堂在臺城外東有東

堂西有西堂

通鑑晉成紀蘇逸韓晃竝力攻臺城焚太極東堂及秘閣毛寶登城射殺數十人

謂寶曰君名健將何不又有東西二上閣在堂殿之間

出闕則東堂亦在城外又有東西二上閣在堂殿之間

齊東昏紀王珍國等入殿內有清暑殿一名嘉禾殿

分軍從西上閣入後宮武造時人言清暑反言楚聲俄而帝果崩宋孝武大明元年殿西農鷗尾生嘉禾一株五莖改曰嘉禾殿

宋孝武壽陽公主人日臥簷下玉燭殿正大殿

梅花落額上成五出拂之不去陶宏景詩豈悟昭陽殿化

昭陽鳳莊殿鳳華殿壽昌殿靈曜殿

靈曜三處此吾芳樂殿玉壽殿東昏紀起諸殿以麝香

所治謹勿壞去芳樂殿玉壽殿塗壁刻畫粧飾窮極綺

麗靈和殿武帝時益州刺史劉俊獻蜀柳帝命植於靈

年閱武堂芳樂苑東昏紀即閱武堂為芳樂苑又於苑

百姓歌曰閱武堂種楊柳至尊屠肉潘妃沽酒梁五明殿光嚴殿光華殿鳳光

殿惠靈殿

供佛事

陳求賢殿

後主沈妃所居

齊青樓

武帝興光樓上施青漆時

人謂之青樓東昏曰武帝不巧何不純用琉璃

晉樂賢堂

明帝爲太子時建成帝時蘇峻之亂宮室

皆焚惟此堂獨存咸和中彭城王鈇上言樂賢堂有先帝手畫佛像宜勅作頌蔡謨不可乃止

陳齊雲

觀後主起齊雲觀人歌曰齊雲觀寇來無際畔

銅螭署

本洛陽故物晉平姚秦遷於此覆杯

池

晉元帝以酒廢改王導諫之因覆杯於池斷飲

濛汜池

張載有賦

其西爲華林園

華林園本洛京舊名南渡置於臺城東內宋元嘉中更新廣之

園內有宋景陽山景陽

樓

元嘉中興景陽山於華林園孝武大明元年紫雲出景陽樓詔改景陽爲慶雲樓齊武於六代之君始爲

奢侈未明中宮女萬餘人帝數幸琅邪爲獵宮女當夜起嚴粧從之去端門遠者不聞鐘漏故於中園作鐘以

警宮女

大壯觀

或曰陳宣帝起

花光殿鳳光殿一柱臺層城觀興

化殿日觀臺

宋司天台

芳香堂芙蓉堂雲堂琴堂醴泉堂天

泉池花萼池竹堂

前廢帝於華林園竹堂射鬼

梁重雲殿通天觀朝

日夕月二樓陳臨春結綺望仙三閣

後主自居臨春張貴妃居結綺龔孔

二貴嬪居望仙竝複道往來使女學士袁大捨等與江總孔範諸狎客賦詩采其尤豔麗者被以新聲有玉樹

後庭花臨春樂等曲其略曰璧月夜夜滿天淵池

宋元

瓊樹朝朝新大抵皆美張孔二妃容色天淵池嘉中

考矣姑存其名以備稽覽而已

東宮在臺城外

景定志引輿地志云吳東宮在城南晉初東宮在城西南後又移於宮城東南

宋齊梁在宮城東北晉孝武二十一年新作東宮本東海王第至宋元嘉築爲永安宮在臺城東華門外梁武

紀侯景登東宮墻射城內太宗募人燒東宮陳文帝紀自梁室亂離東宮灰燼太子居於永福省

未央宮長樂宮建章宮長楊宮

南史宋廢帝紀景和元年以東府城爲未央宮

石頭城爲長樂宮北邨爲  
建章宮南第爲長楊宮  
皆在臺城外

宋親鸞宮在上元縣西北鍾山鄉隋志江左至宋大明  
始於臺城西白石壘爲西鸞有親桑堂蠶觀

青溪宮本齊高帝舊宅武帝生於此永明二年詔鸞落  
青溪宮南史本紀云亦號舊宮反語爲窮廐也今不詳  
其處

梁金華宮景定志云在青溪東去臺城三里昭明太子  
蔡妃別居於此見陸襄傳疑在今駐防城內

陳安德宮景定志引宮苑記在宣陽門外陳宣帝築隋  
平陳移江寧縣於此明年罷疑在今裕民坊處

南唐宮在今內橋北上元縣治盧妃巷廣儲倉一帶等

地皆是宮趾左有東虹橋

今名昇平橋

右有西虹橋

今名大市橋

此護龍河也由盧妃巷北行里許又有一橋亦名虹橋

而東西二虹橋北達之水縮帶於此其前則東南達四

象橋入淮西南達運瀆宋爲建康府治紹興南渡修爲

行宮復就南唐宮城增築皇城

詳見古城

內有南唐百尺樓

後主起此樓蕭儼曰恨樓下無井以此不及景陽後主怒貶儼舒州

小金山

王安石懷府園詩常憶小

金山下路綠荷深處見游魚今不詳

摩訶池

後主有摩訶池避暑詞宮內水殿也

宋復古殿

孝思殿涼館高齋走馬廊有美堂

梅聖俞有金陵有美堂詩卽府治堂非杭

之有美堂也

養種園熙春堂玉雪堂清華堂又有懷落芳潤



二亭等名今皆無蹟可考矣

明舊內本南宋建康府治所元南臺遺趾至正間明祖

下金陵御史大夫福壽於南城上死節以其署爲吳王

府建白虎殿東西兩宮左渠爲金水河今舊王府內有水是正南

爲闕門在今承恩寺左東爲東華門在針巷猶有牆垣西爲西華門在

治前初猶可見今爲居民屋所做今列中書省分六部堂今皆無蹟可考洪武

元年移建大內遂改爲舊王府景泰時命宦官司灑掃

所居之宅卽今承恩寺

初闕門猶存一額曰舊內之門歲久居民稠密中左二

門爲市肆民房所蔽然猶有斷垣可見乾隆庚午吏取

垣甌爲發爨用遺蹟蕩然矣今址爲藝植之圃每春夏

凝望菜花彌漫饒有野趣

相傳徐中山初欲造府太祖許以舊王府爲賜第劉誠意

不可太祖亦悔之因賜飲使極醉命昇至正殿寢且令伺之及醒問爲何處左右以告遽驚起跪叩謝死罪走出則門上已懸舊內之門額矣於是爲建府於大功坊正殿落成太祖詣而坐之見大門方灰墜而未髹漆日如此好看自是殿無人坐而門終明代不敢髹漆

明故宮在今駐防城內卽舊紫禁城由西華門出東華門兩門之中有高牆依牆有廢址爲文華武英等殿基面牆十餘丈爲五鳳樓左右皆城連東西二華門卽紫禁城門今之西華門疑係順治十七年所重造者疑樓舊西華門名稱之非明宮城之舊西華門也樓城外爲六部堂今廢直南行三門與樓相對爲午門出

門有小河爲金水河跨河石橋五中稍闊再南爲正陽

門

洪武曰

門外爲象房由大街折而東南爲神樂觀今皆

毀廢

吳梧園宮在句容縣西乾道志曰吳王別館有梧楸成  
林樂府曰梧宮秋吳王愁按此恐在蘇州乾道志未可  
信

延賢堂舊說在宣陽門內今不詳其地宋元嘉嘗於此  
聽訟梁天監改名儀賢堂策孝廉秀才於此

宣猷堂晉置所在不詳梁武紀皇太子於東宮宣猷堂  
及揚州廨開講蕭子顯傳傅嘏出守建安於宣猷堂宴

餞賦詩陳姚察傳察年十三卽引於宣猷堂聽講

鍾山草堂齊周彥倫所隱孔稚圭爲作北山移文者也其舊址不可考

澄心堂在南唐宮之左後主建爲藏書撰述之所造澄

心堂紙爲世所珍

歐陽修有梅聖俞贈澄心堂紙詩

芙蓉堂

此非六朝在臺城內堂王安石詩投老歸來一幅巾尚私榮祿備藩臣芙蓉堂下疏秋水且與

龜魚作主人蓋在宋建康府治內卽南唐宮也

忠實不欺之堂在舊建康府治內宋理宗書賜馬光祖明祖懸於舊內後建皇城移懸宮中

鄭俠讀書堂在清涼寺俠隨父宦江寧讀書於此

大本堂明洪武建爲太子諸王授經之所延四方耆儒於其中公侯子弟皆就學焉舊志不言地之所在疑或在成賢街國學相近處松三堂武定橋西三坊巷有中山秀宅一區今分數姓松三堂猶在楠木棟宇面立石臺假山瘦削三松俯仰其間臺前二石盆長丈餘高四尺盛水數十担

國初陝西趙公良棟居此

戲絲堂

真德秀將母出使茸堂名戲絲

忠宣堂

亦真德秀所建

今皆不詳所在

射鴨堂在溧水唐元和初縣尉孟郊建有詩今廢

晚香堂在溧水有宋理宗書額賜丞相趙南仲今廢

烽火樓一名白馬城丹陽記云吳時舉烽火處

吳舉烽火見三

國志在石頭西南按南史宗文紀魏太武至瓜步帝登烽火樓極望不悅今廢

落星樓吳都賦饗戎旅乎落星之樓注樓在建業東北十里景定志云吳大帝置三層樓以其高故名在上元

東北四十里

疑景定志云四十里者或誤

孫楚酒樓在石頭城側後人因李白詩亦名李白酒樓望遠樓在江寧縣西南八里新亭壘上宋元嘉中改名臨滄觀後名勞勞

臨江樓疑卽臨江驛樓唐劉長卿有詩今廢

芙蓉樓舊據王昌齡詩以爲在丹陽城北今不詳詩所

指丹陽城爲郡爲縣按今潤州有芙蓉樓亦名木末樓  
疑王詩所指在彼

層樓景定志云在府治右南廂花行街按宋時名層樓  
街當卽今之花市也南史顧愷之於宅內建層樓以爲  
畫所舊說愷之宅在瓦官寺東北略當近之今廢

東南佳麗樓舊名賞心樓宋馬光祖重建易今名在宋  
銀行街今內橋西街也樓廢

南礪樓卽躍馬礪在城南八里舊云近何尚之宅今不  
詳王安石有詩

莫愁湖樓在三山門外相傳明祖與魏國奕戲以湖乞

爲魏國賜莊而名其樓曰勝碁樓樓上今猶懸魏國像  
國朝隸網戶文魚租其地盛爲游人觴咏之所餘見山水  
志

南市樓明初建妓樓十六曰南市曰北市

在西北內

曰來賓

曰重譯

在南門外

曰集賢曰樂民

在南門瓦屑壩

曰鶴鳴

在西關北街

曰

醉仙

在西關南街

曰輕煙曰淡粉

在西關東街

曰柳翠曰梅研

在西

關北街

曰石城曰謳歌

在石頭門外

曰清江曰鼓腹

在清江門外

爲

游人憩息之所竝以處官妓焉後皆廢惟南市樓在陡  
門橋東北

國初猶存康熙中太守陳鵬年折毀改建講堂

按南市北市謳歌鼓



版屬上元又有十四樓無南市北市名永樂中  
晏振之金陵春夕詩有花月春風十四樓之句

逍遙樓明祖惡游民嗜博者剋逍遙樓於淮清橋北備  
諸博器於中犯者閉入數日餓斃矣其後餓鬼頗爲祟  
因改建鐵關帝廟以鎮之今廟祀甚盛

延祚閣在石城門內鐵塔寺中相傳殿有鐵塔二座故  
名劉宋時爲羅喉和尚建羅喉生無雙目通曉佛典名  
天眼侯景亂王僧辨駐軍於此宋高宗元懿太子殯宮  
王安石籀龍軒皆在側寺久廢爲倉今不知其處梁何  
遜唐許渾諸人有登延祚閣詩

瓦官閣南唐改曰昇元閣景定志引建康實錄晉哀帝

興寧二年詔移陶官於淮水北遂以南岸陶地施僧慧

力造瓦官寺陸游南唐書瓦官寺因山爲基高可十丈

開寶中王師收復士大夫豪民富商之家婦女數千人

避難於其上兵士舉火焚之一旦而燼

祝穆方輿勝覽曰南唐將歸有

於昇元寺前掘得古記其詞曰若問江南事江南事可憑抱雞昇寶位謂後主丁酉生也走犬出金陵謂王師甲戌渡江也子建居南極謂曹彬列柵城南安仁秉夜燈謂潘美恐有伏兵命縱火也焦氏筆乘

云今驍騎衛倉是其遺趾登閣江山滿目最爲勝處太

白詩白浪高於瓦官閣正與今倉基所見同近詔毀私

創庵院集慶庵一點僧因妄以瓦官名其處因得幸免

然於古蹟實無涉也今新橋西杏花邨有下瓦官寺卽

集慶庵又有上瓦官寺本名叢桂庵焦竑易名鳳游寺  
顧起元客座贅語云瓦官寺在淮水南城外小長干在  
瓦官寺南西出大江其後洲渚漸生江去長干遠而楊  
吳築城圍淮水於內瓦官寺遂在城內矣劉樹聲云驍  
騎倉在新橋西明時爲本營儲米處地勢最高國初  
倉廢居民侵占爲屋往往掘得不全銅佛由是羣起創  
掘銅佛盡而地平數尺矣按宋世子鑄銅佛高一丈六  
尺於瓦官寺見南史戴容傳劉樹聲所記疑卽此佛爲  
潘美所燬其址在明爲倉基今倉廢故人得而掘之也  
涵虛閣南唐建在元武湖東宮園內見徐鉉集後燬明  
宣德間改建名憑虛閣登閣滿城在望

青溪閣本梁江總故宅宋爲段約之宅有亭曰割青蓋  
取王安石割取鍾山一半青意詳見青溪中橋及青溪  
元風觀晉建武間建在宣陽門外當今內橋北處

迎風觀宋大明間建在建康宮西當在今朝天宮之東  
臨滄觀見前望遠樓

元武觀在元武湖上劉宋建嘗於此閱武江總有詩

商飆館南史齊武紀立商飆館於孫陵岡世呼九日臺  
按今朝陽門至麒麟門相距二十里有十三岡第三岡  
卽孫陵也其傷卽王安石半山園詳見古園

東田館南史齊鬱林王紀文惠太子立樓館於鍾山下  
號曰東田時以東田反語爲顛童後蒼梧鬱林果相繼  
敗明帝立斥賣之

謝眺詩魚戲新荷  
動鳥散餘花落

儒館南史齊高紀宋立儒館於北郊命雷次宗居之次

宗開館於雞籠山高帝從受禮及左氏春秋

招隱館南史梁武紀修飾國學增廣生員立五館置五經博士大同中於臺城西立士林館

橫江館在水西門外賞心亭側

朱陽館在句容雷平山北梁天監中爲陶宏景置元帝撰碑銘

長沙館在朱陽之西陶宏景有碑銘

冶亭在冶城謝安爲揚州袁宏爲東陽郡出祖冶亭又稱東冶亭按東冶見三國志不始於晉宋乾道建東冶亭其地或云在城東汝南灣

焦竑云汝南灣當秦淮曲折處按今不詳所在大約

在東水關以  
北接青溪處

新亭一曰中興亭世說過江諸人暇日輒至新亭周侯  
顓當坐歎曰風景不殊舉目有山河之異王丞相曰當  
共戮力王室何至作楚囚對泣邪詳見新亭壘徐勉謝  
眺有詩

征虜亭世說注引丹楊記曰晉太安中謝安爲征虜將  
軍立此亭故名胡氏通鑑注云在方山之南按太安惠  
帝年號於時去謝太傅尚遠當是別一謝安偶與太傅  
同名耳且安石本傳亦未嘗爲征虜將軍也

甘露亭陳宣帝紀甘露降於樂游苑詔於苑內龍舟山

立甘露亭

按龍舟山卽覆舟山詳山水志

聞風亭在覆舟山

勞勞亭舊說本吳時建在勞勞山上寰宇記輿地志輿地紀勝皆云卽臨滄觀今在上元西南近江渚處李白有詩

望湖亭南唐建在雞籠山上

紅羅亭南唐後主建四面栽紅梅作豔曲歌之韓熙載和云桃李不須誇爛熳已輸了春風一半時已失淮南故也今不詳其地

白鷺亭在白鷺洲上去府治西南八里今洲已坍餘港

名草鞋夾東坡嘗作長短句題亭柱贈王勝之王安石  
詩柱上題名客姓蘇蓋指此也

賞心亭丁晉公鎮金陵真宗出八幅袁安臥雪圖付之  
謂曰卿到金陵選一絕境張之丁遂張於賞心亭圖乃  
周昉筆歷十四太守不敢取後一人卒以他畫易之去  
亭在宋下水門城上今水西門下臨秦淮宋賢多有題咏

白下亭在宋城東門外當今通濟門外詳白下門

忠貞亭南唐建在冶城宋葉適更名忠孝亭

暑風亭南唐後主建宋陳無己清涼寺詩惟應駐馬坡  
頭月曾見金輿納晚涼自注山有後主暑風亭井闌刻



保大三年字然則今之翠微亭卽暑風亭也

折柳亭在賞心亭下宋張詠建爲祖餞之所

風亭在折柳亭東宋建

佳麗亭與風亭相近宋建

練光亭在保寧寺今新橋南保寧坊內黃庭堅云練光

亭最是登臨勝處然高寒不可久處

按保寧寺卽吳建初寺址在花盃岡

前人凡言此處故蹟皆云最高可證瓦官寺實在此

此君亭在華藏寺王安石有詩今不詳

割青亭在青溪上史正志建取王安石贈段約之詩語

詳青溪園

項王亭在江浦縣烏江鎮唐李德裕有項王亭賦

六峯亭在六合縣南卽六峯驛亭

昭文齋在鍾山定林寺王安石讀書於此米芾題其齋曰昭文今廢

籀龍軒在城西鐵塔寺本王安石書齋今廢

南軒在保寧寺宋張浚開府時其子栻讀書於保寧寺方丈小室號南軒真德秀建南軒先生祠於天禧寺後

今報恩寺

華林園本洛京舊名晉南渡卽吳西苑址建在臺城西晉簡文在園謂左右曰會心處不在遠翛然林水便有

濠濮間想覺鳥獸禽魚自來相親詳見建康宮

樂游苑在覆舟山南本晉藥圃宋元嘉改爲樂游苑十一年三月楔飲顏延之爲序者此也詳藥園壘及北郊壇下

芳林苑本齊高帝宅在青溪永明五年三月楔飲王融爲序者此也詳見青溪宮

上林苑宋大明三年築上林苑於元武湖北孝武立改名西苑

博望苑齊文惠太子立在臺城東鍾山下沈約郊居賦睇東巘以流目心悽愴而不怡昔儲皇之舊苑實博望

之餘基庾信哀江南賦西瞻博望北臨元圃按漢時有博望苑崑崙之山有元圃蓋舊有此名文惠借以名其園耳疑博望苑卽東田館也

青林苑在元武湖東

新林苑一名靈邱苑齊武帝永明五年立在新林梁天監中以其地爲法王寺按徐孝嗣傳武帝幸方山曰朕經始此山之南復爲離宮應有邁靈邱靈邱卽新林苑也孝嗣諫乃止舊志誤立方山苑名其實方山苑不果立也

西園卽冶城園景定志引徐廣晉紀成帝適司徒府游

觀冶城之園卽此或云桓元別苑也晉人謂之西園

南苑一日建興苑宋明帝紀張永乞借南苑帝曰且給

三百年期滿更請今不詳其地按梁天監改建興苑於

秣陵里侯景之亂韋築等會青塘立營據建興苑則當

在城西石頭側也

金陵新志謂明帝葬於此按南史紀明帝葬莫府山不在此也

婁湖苑舊說吳張昭宅昭封婁侯故名南史齊武紀望

氣者言新林東府婁湖有王氣乃築青溪舊宮作新婁

湖苑以厭之約當今駐防城東南詳見方盟壇

桂林苑吳都賦云數軍實於桂林之苑景定志引宮苑

記云在落星山

詳見山水志及落星樓

元圃齊文惠太子宮室奢麗開拓元圃與臺城北塹等多聚奇石妙極山水慮爲上所見乃秀列修竹內施高障游牆梁書云昭明太子立館於圃上以延朝士侯軌云宜奏女樂太子不荅惟誦左思詩云何必絲與竹山水有清音軌大慚

按元圃在太子宮內與東田館遠

南唐北苑徐鍇北苑侍宴賦序云望蔣嶠之嶽岑祝爲萬壽泛潮溝之清淺流作恩波當在城北  
謝元別墅按溫庭筠謝公墅歌文楸方罨花參差心陣未成星滿池卽是謝公所與圍碁相賭處其地詳見檀城

王騫墅在鍾山南史本傳騫有墅八十餘頃與故舊共佃之

沈約郊園在鍾山下謝眺有和沈祭酒行園詩

半山園王安石示蔡天啓詩今年鍾山南隨分作園圃  
又次吳氏女子詩自注南朝九日臺在孫陵岡秀去吾園數百尺

東籬門園南史何點傳從弟遁以東籬門園居之園內  
有卞忠貞冢點植花卉於冢側每飲必舉酒酌之在朝  
天宮之西今無蹟

烏衣園在烏衣巷東有來燕堂宋建約在今城南杏核

邨中

綉春園本舊名宋端平三年高定子重築今無考

青溪園宋馬光祖建其中橋池亭館數十處最爲繁盛  
當時號小西湖舊志及通志皆云在上元又云園內諸  
亭惟割青爲舊餘皆馬光祖所建按割青亭卽青溪閣  
在宋爲段約之宅其地景定志云在府治東北青溪上  
宋府治今舊王府地其東北當在秦淮水北今江寧縣  
武定橋油坊巷地亦名小西湖非宋之青溪園也而世  
猶沿此誤謂明天順間卽青溪閣剏鷺峯寺故世稱鷺  
峯寺西溝爲青溪其誤久矣



系傳... 卷之九  
明徐中山王南園當賜第之對街今爲民居所據園址  
石峯猶存

中山西園在郡城南新橋西南抵城處有古松高可三丈婆婆可愛下覆二古石一曰紫煙一曰雞冠上有篆刻模糊熙寧伯兪等字朱之蕃題曰六朝松石明季歸桐城吳大司馬用先其子孫猶居之今松枯死而石於乾隆間爲有勢者取去矣

東園一曰太傅園在武定橋東城下其西與舊院鄰王弇州名園記謂明武宗南幸嘗於此設釣今廢爲居民菜圃猶稱曰東花園

魏國第中西園蓋出中門之外西穿二門爲堂堂後爲  
圃當賜第初皆織室馬廐久不治太保公闢除創圃焉  
今廢

四錦衣園盡大功坊之東樓榭宏麗中有一石峯嵌空  
珍瓏莫可名狀云故吳郡物也今廢

錦衣西園一曰鳳臺園與西園隔巷園內有小土阜相  
傳卽鳳凰臺古蹟今園廢屬上瓦官寺園中有一古石  
明季爲陳廷尉未詳何名取去

三錦衣園在府第東巷與鳳凰臺址相接

徐九公子園在府第對街按魏國府對街爲魏國南園九公子園亦在對街王鳳洲

記所親游之地既兩載之必非一南園也

金盤李園去石城門一里在卞忠貞廟西今廢徐氏兩西園之外此亦稱西園

萬竹園亦魏國公子家園也地廣皆種竹明季爲張太守孚之王太守爾祝許鴻臚穀分據之張名佚園許名新園在瓦官寺南驍騎倉西北今數易主矣

中山別墅白下橋九兒巷有魏國退朝時更衣別墅花石位置極精巧相傳園內多怪今屢易主矣詳見陳毅金陵聞見錄

同春園在南門沙窩小巷故齊王孫園也後爲吳氏有

武定侯故園在竹橋之西漢府之後今廢

市隱園在武定橋油坊巷姚鴻臚元白所創後北半址歸桐城何侍御仲雅改爲足園後又歸鄧太史元昭文徵明有詩

武氏園在南門內小巷乃武憲副之叔名易者所創在明季已數易主矣

王氏杞園在聚寶門外小市西巷門對大河後歸淮北李氏今數易主矣

卜氏味齋園在南門內花盞岡之西枕上瓦官寺

顧氏息園明尚書顧璘園也在淮清橋東北察院之後

園有井字樓窗開十二面今園廢爲塗人往來之路猶

稱顧氏花園

按井字樓於嘉慶五年始拆毀改爲民房

顧氏遁園侍郎顧起元之園也在杏花邨中嘗舉邨中之園各紀以詩序略曰杏花邨方幅一里內山園據其什九雖奧曠異規大小殊趣皆可游也

逸園在江寧縣南門馴象街明太保王襄敏以旂別圃敞廬三楹乃未遇時所構及貴不加修飾

快園在武定橋東明徐霖子仁所築中有晚靜閣文徵明書有振衣臺麗藻堂武宗南巡嘗夜幸子仁家夫婦倉皇出拜上命置酒家無供具以蔬笋鮭菜進上大喜

已而數幸其家御晚靜閣垂釣得一金色鯉魚宦官爭買之上大笑失足落水袞衣沾溼故快園中有宸幸堂浴龍池蓋卽今所稱小西湖也

國朝熊尚書一瀟居此

尚書名本

栝園在大功坊東巷內本魏公東園後歸周亮工堂前老栝兩株趙宦光題額左峙一巨峯沈周吳寬錢福皆有鐫題

西池一名樂游池一名太子湖晉明帝爲太子時修西池養武士於內宋謝混詩所云水木湛清華者也宋元嘉中作樂遊苑此池蓋入苑內

芙蓉池唐李德裕有游金陵芙蓉池記今不詳其地

善泉池一名九曲池舊說梁昭明太子鑿在臺城東卽元圃地也

雷平池在句容縣茅山玉晨觀前真誥曰周時有雷氏子養龍於此

參龍池在茅山天聖觀前梁天監中陶隱居開小沼養雷平池龍子於內宋真宗大中祥符間中使任文慶醮祭茅山因禱取二龍子入宮中途失其一御製歌詞仍送還山石墨池卽菖蒲潭俗傳費長房學道於此書符滌硯礪石悉爲墨色按此等事無考不可信

洗心池在茅山乾元觀西世傳魏元君洗心處石壁上  
有洗心池三字隱而不見以池水渥之立見按魏元君  
未嘗住茅山不可信

龍池在華山拜經臺下中有蜥蜴十許不可見歲旱請  
雨輒應今則羣然石隙中四足五爪黑背丹腹龍頭鯁  
尾任人掬取但不可攜出攜出中途風雷迅發遁去又  
東爲龍沼亦有蜥蜴禱雨較西池更驗

三品石舊說臺城同泰寺有四醜石高丈餘陳時謂之  
三品石楊吳置於千福院前宋政和間取入汴京置延  
福宮王安石爲之銘安石又有詩曰誤恩三品竟何酬



今不知所在

到公石南史到溉居第近淮水齋前有礧石長丈六尺武帝戲與賭碁輸焉因命昇入華林園宴殿前進石之日傾都縱觀謂之到公石今不詳所在

金華石舊云本金華宮中物趙宋時猶存於府治

秦進石宋太祖建國四年改元乾德先是浚淮得石有大宋乾德四年字考輔公祐有此偽號石出適值其時人以爲符

宋明帝宅在青溪中橋即位後改爲湘宮寺詳青溪中橋

齊武帝宅在青溪見青溪宮

梁武帝宅在三橋見同夏縣城

吳張昭宅見婁湖苑

諸葛恪宅舊說在古宜陽門外元風觀前

按此說未見傳記不足爲

明據

周瑜宅今江寧府治卽明應天府治舊說本吳周瑜宅  
劉樹聲云康熙辛亥民間火延燒府堂梁上有赤烏年  
字按此未可信赤烏時瑜死久矣且豈有千年之梁而  
仍存邪

晉陸機宅舊說在越城西有二陸讀書堂入洛後作懷

舊居賦卽指此按古宅今皆無蹟傳記所述聊以存其  
髮鬢而已是非有無政難指定惟甚謬妄者悉爲正之  
王導謝安宅詳見烏衣巷晉書桓靈寶之亂欲以謝安  
宅爲營謝鯤曰召伯之仁惠及甘棠文靖之德更不保  
五畝宅耶乃止今不詳

謝尚宅舊說在竹格渡疑當今通濟門處永和四年尚  
捨宅爲莊嚴寺宋路太后改謝鎮西寺詳見古寺

紀瞻宅舊說在驃騎航瞻爲驃騎將軍故名按驃騎航  
亦名小航對朱雀大航言在今新橋處

謝元宅在土山其地名康樂坊詳見謝公墩

杜姥宅史屢見之其地在宣陽門內宮門外晉成帝杜后母裴氏所居乃杜宏治之妻也

吳隱之宅按晉書本傳所居茅堂六間籬垣仄陋女嫁謝安今不詳其地

宋何尚之宅按南史本傳尚之立私宅於南礪置社學聚生徒講學

徐勉宅按南史本傳誠子書曰聊於東田闢營小園又慧日十住等旣應營昏又須住止吾清明門宅無相容處前割西邊施宣武寺旣失西廂不復方幅亦謂此逆旅舍耳何事須華常恨時人謂是我宅按此當亦在鍾

山下

顧愷之宅愷之於宅建層樓作畫所疑趙宋時層樓街因此名當在今三山街花市

沈慶之宅南史本傳慶之居清明門外有宅四區室宇甚麗又有園在婁湖一夕攜子孫徙居之以宅還官按慶之嘗奉勅賦詩云老朽筋力盡徒步歸南岡六朝士大夫皆居南岡又非婁湖地也

齊竟陵王子良宅舊說在蔣山按子良行宅詩訪宅北山阿卜居西野外當近莫府山也

劉嶽宅南史本傳住檀橋瓦屋數間上皆穿漏學徒不

敢指斥稱青溪竟陵王子良表武帝爲立館以楊烈橋

故主第給之

按禮橋當在青溪上  
楊烈橋不詳所在

周彥倫宅按南史傳立隱舍於鍾山西王儉問山中何  
食對曰赤米白鹽綠葵紫蓼文惠太子問菜食何味最  
勝曰春初早韭秋末晚菘後捨爲草堂寺

伏挺宅南史傳挺於宅講論語士大夫往聽傾朝舊說  
在湖溝西今城北小桃源有伏挺泉

朱异宅南史傳云居第臨淮水今不詳所在

王僧綽宅南史本傳云初大社西地本吳時丁奉宅孫  
皓流徙其家江左初爲周顛蘇峻宅後爲袁悅宅又爲

司馬秀宅皆以凶終及給臧燾亦遇禍故世稱凶地僧  
綽嘗謂宅無吉凶請爲宅始造未及居而敗今不詳其  
地

檀道濟宅舊云在青陽巷今不詳

按檀城檀橋青陽巷  
康樂坊謝元別墅舊

說紛駁不明金陵新志云檀城本謝元別墅在上元縣  
東北清風鄉黃城橋卽梁書邵陵王拒侯景趙伯超曰  
若從黃城大路必與賊遇者是也路旁有黃城卹黃城  
橋今去縣東北二十五里有地名黃墅當卽是其地既  
謂之城必是檀所嘗屯兵處而非其宅也其宅自在青  
陽巷今無考若檀橋則自在青溪與檀城檀宅各地康  
樂坊自當爲謝元宅所在江南通志云在土山旁有謝  
元走馬路當今太平門駐防城近處若別墅或卽古檀  
城今黃墅地但無的然  
明據姑俟博考可也

江總宅在青溪上在宋爲青溪一閣舊皆云在東水門

鷲峯寺非也詳青溪閣及青溪中橋

按總有南還尋草市宅詩今不知草

市何在

唐王昌齡宅常建詩青溪深不測隱處惟孤雲松際露  
微月清光猶爲君當近青溪今無考

冷朝陽宅韓翃送冷朝陽還金陵舊宅詩落日澄江鳥  
榜外秋風疎柳白門前橋通小市家林近山帶平湖野  
寺連今不詳

南唐李建勳宅建勳有青溪草堂今無考

徐鉉宅舊說在亭子橋今不詳何地

韓熙載宅在城南戚家岡今無蹟



宋王安石宅在半山後捨爲寺賜額報寧今廢當在今駐防城處或云今太平門內香林寺卽半山寺址非也

楊德逢宅在蔣山近後湖自號湖隱先生今無蹟

王直方詩

話丹陽陳輔每歲清明上冢至蔣山過德逢居有詩曰  
北山松粉未飄花白下風輕麥腳斜身似舊時王謝燕  
一年一度到君家王安石贈詩曰一  
水護田將綠遶兩山排闥送青來

蔡寬夫宅在青溪南本宋貢院基也舊志引南窗記談

不詳撰人云蔡侍郎治第青溪南穴地爲池見釜鑊等器

明中山王府卽今藩署

常府今常府街九蓮塘花牌樓是其地花牌樓乃府西牌樓也

沐府今爲督憲署猶稱沐府西門沐府大街

曹國李府今爲城守署

柳府今爲都關署

襄城趙府今爲理事同知署

臨淮湯府在今復成橋東駐防城內

今南門武定橋信府河有信國公湯

和祠按元至正二十六年徐達先封信國公不知此河於徐湯二公孰受名也

韓府在土街口西巷內今爲民宅

寧和王鄧府在土街口東巷今爲民宅

王襄敏以旂宅在馴象門內每遷宅恒迂道避人

馬阮故宅阮大鍼宅在庫司檔名石巢園今爲陶氏所

居名陶園書堂不甚高花石秀麗馬士英宅在北門橋  
雞鵝巷崇垣高樓今屋僅存昔時什之二三近爲武氏  
吳氏所居西華門外亦有馬相故宅今爲僧庵按西華  
門外有舊丞相府胡惟庸第也又有後舊丞相府亦以  
爲胡丞相府非也王弇州史料辨之甚悉但弇州所指  
西華門非今之西華門也其胡丞相府今當在駐防城  
內不可考矣

唐秦系宅

顧況宅俱在句容石墨池上

新修江寧府志卷之十

古蹟下

板橋三國志注引千寶晉紀張喬敗吳軍於板橋謝眺有出新林向板橋詩詳見山水志

朱雀航當今南門鎮淮橋處晉名大航

驃騎航在朱雀東亦名小航或以爲會稽王道子所立道子嘗爲驃騎將軍故名或以爲梁臨川王宏宅在此或以爲紀瞻嘗居此今無橋六朝自石頭沿淮立二十四航今不詳晉寧康元年詔除丹陽朱雀竹格驃騎四航稅

張侯橋舊說本吳張昭建晉書盧循傳焚查浦進至張侯橋當在南門外

皂莢橋今不詳其地梁武紀曹景宗屯皂莢橋

按唐韓翃詩春

衣晚入青楊巷細馬初過皂莢橋正指丹陽地也王阮亭謂青楊巷在荊州又引晁無咎揚州詩皂莢村南三四里謂橋在揚州不悟晁固云村不云橋也且末句云雙堤鬪起如牛角知是隋家萬里橋豈有一詩而用二橋名耶况荆揚相距遙遠不容連說近趙翼雲松著說亦謂翃詩誤非也

東門橋在樂游苑東

尹橋在潮溝大港東

雞鳴橋詳下

募士橋詳下

菰首橋一曰斜橋宋乾道志謂卽東虹橋按東虹橋乃南

唐宮左護龍河橋今名昇平橋其水出四象橋達淮清

橋合秦淮

按此本跨青溪南唐借其水爲護龍河故宋志謂卽東虹橋也

青溪中橋齊書始安王遙光據東府反曹虎屯青溪中橋以拒之陳後主紀晉王廣命斬張貴如膈于中橋

青溪大橋今不詳宋石邁古蹟編云東出句容大路西

卽江總宅

以上七橋跨青溪上金陵新志舊稱青溪九曲蓋自元武湖引水從東北濛洞達於秦淮

其曲折有九於上跨橋七東門橋在樂游苑東次南曰

尹橋次南曰雞鳴募士菰首次南曰青溪中橋青溪大

橋按此云七橋跨青溪自不誤但云自元武湖引水則

誤以潮溝爲青溪矣不悞青溪本出鍾山西南流入於

淮潮溝則引後湖之水東南流合於青溪青溪之流久

湮謬說紛出究皆難信大約青溪出鍾山南經竹橋又

西南經菰首等橋入秦淮今鍾山書院前後諸橋水流合昇平橋經四象淮清橋者皆青溪故道也菰首既爲東虹則中橋大橋當卽今四象淮清二橋處世指大中橋爲卽古青溪中橋者非也宋石邁云青溪大橋西卽江總宅按江總宅今洞神宮處其地址在淮清橋西與此正合自俗以鷺峯寺爲青溪閣是以青溪在秦淮水南誤矣

孝義橋景定志云本名髡子橋

陽烈橋見南史劉焯傳又王僧虔於陽烈橋觀鬪鴨今不詳其地

西州橋景定志云宜在今宜橋西

高華橋景定志云今建興寺北路東出度此橋宜在今乾道橋左右

禪靈寺橋景定志云對禪靈渚宜是今斗門橋

欽化橋景定志云卽直橋今名太平橋以上跨運瀆

檀橋見南史劉瓛傳詳古宅

南渡橋景定志云秦淮上橋今不詳其處李白詩捨舟  
共連袂行上南渡橋

日華橋在宋行宮東護龍河

月華橋在宋行宮西

廣富橋在月華北以上三橋跨護龍河

赤蘭橋景定志云今城南有赤蘭坊橋不詳其處

長樂橋唐建在秦淮上名長樂渡景定志云今桐林灣



是其地隸長樂坊

白下橋一名上春橋景定志云在東門外側有白下亭苑家橋在東花園相傳姓乃元降官洪武賜中山守門後司東花園傳至

國初有苑老者無子能種花開茶肆每夏初罌粟虞美人最盛今當爲萬花園處無知有苑姓者矣

瓦官寺南唐改曰昇元寺宋太平興國五年改爲崇勝戒壇院

按寺爲潘美所毀疑宋改院時重建

明初寺廢嘉靖中集慶庵僧

掘地得昇元石像云此卽瓦官寺故址遂改爲古瓦官寺

詳見瓦官閣

南史師子國傳晉義熙初遣使獻玉像經十

載乃至像高四尺二寸玉色潔潤形製殊特歷晉宋在

瓦官寺與戴安道手製佛像五軀及顧長康維摩圖

杜甫

詩虎頭金粟影神妙獨難忘指此

世稱三絕齊東昏截取玉像作潘妃

釵釧又有晉恭帝造丈六金像

釋氏通鑑

宋世子丈六銅像

南史戴今皆無容傳

保寧寺在城內新橋南吳大帝爲西竺康僧會建晉時

有鳳集於此山因建鳳凰臺於寺側宋更寺名曰祇園

寺齊太祖於其地得外國磚爲白塔名白塔寺唐開元

改長慶寺韓擇木書額南唐保大中名奉先寺宋太平

興國賜額保寧建靈光鳳凰凌雲三亭政和七年敕改

神霄宮紹興南渡嘗駐蹕於此宋葉夢得有記今廢見

金陵新志

江左佛寺最盛但歷代既遠故剝遺址多不可考有文藻炳如而名與地疑似難信又有

空名雖存而文史無徵亦爲錄之以資搜討自保寧而下凡十六寺

湘宮寺舊在青溪中橋北南史虞愿傳宋明帝以宅捨

爲寺嘗欲造十級浮圖而不能乃分爲二帝謂鼂尚之

曰卿至湘宮寺未此是我大功德用錢不少虞愿侍側

曰此皆百姓賣兒鬻婦錢所爲何功德之有又齊始安

王遙光以東府城叛蕭坦之屯湘宮寺

梁簡文帝有碑銘

鐵塔寺在朝天宮後劉宋泰始中建名延祚寺梁王僧

辨討侯景景將宋長貴守延祚寺唐僧靈智生無目時

謂有天眼爲建塔於寺宋熙寧賜額曰正覺改塔名曰  
普照王荆公嘗於寺西建書院有軒名籜龍建炎三年  
以法堂西偏爲元懿太子攢宮明建文時嘗募修今寺  
廢唐宋人賦咏甚多佛殿前有鐵塔二座鑄云乾興元  
年造古鐘唐時鑄有經幢鐫大吳金陵府延祚院又  
有百丈井井闌有保  
大年字見翠微亭

正覺寺見南史徐爰傳伽藍記云尚書令王肅所建地  
未詳

禪靈寺見齊武帝紀及王僧辨傳在今陡門橋西北

同泰寺在梁時北掖門外梁大通年建寺在宮後開一  
門曰大通對寺南門造大佛閣大同十年雷火所焚略

盡欲更造而侯景亂南唐改名淨居寺尋又改圓寂寺以其半爲法寶寺南史武帝屢幸同泰捨身鑄十方銀象十方金象設四部無遮大會

法寶寺卽同泰之址楊吳置千福院宋改賜今額寺前有醜石四各高丈餘世呼三品石政和中取歸汴京或謂之闕石寺前有井耆老相傳爲胭脂井寺基最濶淳祐置精銳軍同泰寺地皆爲塞屋及蔬圃蓋精銳軍寨在都統制司之後都統制司在宋行宮後法寶寺在精銳軍寨後其基皆梁陳宮掖舊址故景陽樓及臨春三閣胭脂井皆在寨內元戚光云法寶寺老僧猶能記其

祖師之言謂宋行宮城後門乃梁陳宮城前門也

齊安寺南唐昇元中建宋政和中改賜額曰淨妙寺在宋東門外四里面秦淮王荆公有齊安寺詩石刻尚存李璧注謂寺是齊武帝宅按武帝宅爲青溪宮未聞爲寺也

半山報寧禪寺宋時在城東七里距鍾山亦七里此爲半道故名半山王安石捨宅賜額報寧禪寺曰半山寺從其實也東坡詩所云朱門收畫戟紺宇出青蓮指此也明時皆入禁中

荆公有謝賜寺額表此寺地明以入禁中

又南史天竺迦

毗黎國傳所載江左諸寺曰新安寺

朱孝武殷貴妃子子鸞封新安王故

以爲寺號曰中興寺曰天寶寺曰冶城寺沙門慧琳所住曰東安寺

曰鬪場寺

都下語曰鬪場禪師窟東安談義林

曰天安寺

宋孝武於中興寺齋有一異僧

象莫之識問之答言從天安寺來以上俱無蹟可考

靈谷寺在城東北鍾山左獨龍岡離朝陽門十里梁天

監十三年爲誌公建塔於鍾山玩珠峯前名開善精舍

後爲開善寺宋改名太平興國寺後名蔣山寺明初因

其地敕改寺地於其東賜額靈谷寺有明祖大靈谷寺

記而舊寺基遂爲孝陵寺內有寶公塔景陽鐘

元時鑄制度精

古在無三絕碑

見金石

八功得水

宋時有僧曇隱以居乏水竭誠禮懺遂獲此泉

一清二冷三香四柔五甘六淨七不涸八獨病自梁以前嘗取給供御明時遷寺塔舊池就涸從寺東馬鞍山

下通出今寺後因火災復塌正  
統久旱忽湧出如初今復塌  
琵琶街說法堂前山谷  
應聲如奏絃

梅花塢

在寺左

後寺廢殿獨存

國初僧羽南重募修種桃花萬樹今亦廢康熙四十六年  
聖祖仁皇帝南巡臨幸

賜御書匾額聯語及石刻金剛經泥金心經木刻藥師經各一  
部按鍾山舊有寺七十所齊梁以降遞有廢興至宋王  
安石併諸小刹於太平興國寺而紺宇金界半爲邱墟  
矣明以其地爲孝陵乃悉歸併於靈谷寺昔之棋置星  
列者遺址俱在禁垣內然其名蹟最著見之史傳志乘  
者悉附於後



曰飛流寺

梁元帝有碑銘

曰開善寺

南史張

曰延賢寺

高僧傳

尚曰靈味寺

梁天監中釋寶亮

曰興皇寺

陳大建中釋法朗住南史

孫暘

曰竹林寺

南史宋武帝紀

曰大愛敬寺

梁武帝紀

曰雲居寺

唐

有曰明慶寺

姚察王褒江總有詩

曰道林寺

陳時建陳徐伯陽有詩

曰定林

寺見南史劉總明僧紹何允等傳又今傳寺前有應潮井

曰鍾山寺曰草堂寺

周

捨宅曰幽棲寺曰淨名寺曰悟真院

入功得水舊在庵後

曰定巖寺

曰翠微寺曰法雲寺

南史張

曰興教寺曰宋熙寺

南史

傳曰白蓮庵曰栽松庵

晉時刺史罷還令栽松誌見山水

曰崇禧萬壽

寺元時為寶誌公建于寺聚銅數萬斤鑄大鐘敕趙世廷為碑記及銘

天界寺在城南鳳臺山離聚寶門二里元文宗以金陵

潛邸建寺名大龍翔集慶寺舊在城西朝天宮東今下  
街口白塔街皆其地也明洪武初災敕徙城南闐寂處  
與民居不相接出內帑建更名天界寺徵高僧宗泐主  
之舊寺中小庵三十六所今皆鞠爲茂草洪武時詔高  
啓等十六人於此修元史啓有萬履隨鐘集千鐙入鏡  
流句想見其盛明季多爲官寓阮大鍼集有臥病天界  
寺杜于皇過訪詩殿後毘盧閣高十四丈今久毀

元文宗登

極後賜治亭名飛龍亭虞集爲之記

報恩寺一曰建初寺一曰長干寺一曰阿育王寺在聚  
寶門外聚寶山吳赤烏間天竺國人康僧會東游至建

業言阿育王役鬼神起塔事吳大帝詰難之乃禮請三  
七日得舍利始大嗟服卽爲建阿育王塔號建初寺言  
江南初建塔寺之始也因名其地爲佛陀里後孫皓毀  
廢事見高僧傳南史扶南國傳阿育王滅度後一日夜役鬼

神造八萬四千塔此卽其一吳時有尼居其地爲小精  
舍孫琳毀除之塔亦滅吳平後諸道人復於舊處建立  
焉晉簡文敕造小塔未成孝武時劉薩何感疾夢神令  
禮阿育王塔因至丹楊登越城四望見長千里有異氣  
因就禮拜果是先阿育王塔乃掘得舍利及爪髮卽對  
簡文所造塔西造一層塔孝武十六年改造出舊塔舍

利爪髮加造三層梁大同中出舊塔舍利敕市寺側數  
百家宅地以廣寺域南史所載諸緣起事甚多南唐時廢宋改爲天  
禧寺祥符中建聖感塔元改慈恩旌忠寺至正間燬於  
火明永樂十年敕工部重建造九級琉璃塔皆準大內  
式至宣德六年凡二十九年始成賜額大報恩寺嘉靖  
時燬惟塔及禪殿僅存

國朝康熙三年沈豹募建大殿塔後有無梁殿萬佛閣僧  
休然建又有唐三藏法師石塔後有放生池康熙二十  
三年

聖祖南巡幸寺登塔最高頂

御書匾額

賜金佛一尊金剛經一部供奉塔頂三十八年塔燬

特頒帑金修造

按明時靈谷天界報思稱爲三大寺賜田贍僧最饒次日雞鳴棲霞靜海宏覺能仁合稱八大

寺其餘弗及

雞鳴寺在城內西北當六朝宮後疑卽同泰寺址明洪武二十年改建曰雞鳴寺遷靈谷寶公函瘞於山建塔五級其左近列建十王功臣等廟星置棋布綿亘相接欽賜門額曰秘密關其右建施食臺又有望湖亭憑虛閣登閣滿城在望

按憑虛閣南唐時建見徐鉉集或中燬而明代重建

國朝康熙癸卯年塔毀重修

聖祖南巡臨幸

賜御書額乾隆十五年於寺內恭建

行宮以備

駐蹕臨幸卽憑虛閣地

棲霞寺在太平門外四十里攝山齊永明間明僧紹捨  
宅爲寺陳江總有碑隋造舍利塔唐改名棲霞寺南唐  
改妙因寺宋太平興國間改名普雲寺元祐改嚴因崇  
報禪院明洪武仍名賜額棲霞寺

國朝仍舊名寺有大石佛

明僧紹子仲璋琢高四丈佛頂有珠光彩射人後墜因置閣藏

之大觀中爲權要取去一夕夢人索珠俄失所在米芾有詩紀事

古銅佛

掘地得不知何代所鑄

法鐘

太始中自鳴明嘉靖辛酉十月十八日夜自鳴

銀杏樹

相傳千

妙因寺額

徐鉉書

金寶坊牌

宋仁宗

其勝則有千佛巖疊浪巖天

開巖般若臺明月臺珍珠泉白鹿泉白雲菴

卽明僧紹宅遺址

紫峯閣明時覺浪禪師開法於此塔在焉其後笑峯竺菴相繼創禪堂於中峯之下

靜海寺在城西去儀鳳門半里盧龍山西

卽獅子山

永樂以

海外平服因建寺賜額靜海寺中有危石下空洞虞允文嘗三宿於此有宋人題字石刻於上蓋是時尙臨江許故能泊舟於下題字也

宏覺寺在聚寶門外三十五里牛首山

相傳上下有辟支佛窟宋大明

中移南郊壇於東峯時西峯石窟有一僧跌坐坐問之忽無所見但遺錫杖香爐瓶盂天監問司

空徐度建寺因名佛窟寺唐曰長樂寺亦曰資善院又

曰福昌院南唐後主改今額宋太平興國改崇教寺明

初仍名佛窟正統仍名宏覺按牛首有幽棲寺即宏覺寺今又別有幽棲祖堂寺

豈宏覺所分耶山爲唐法融禪師開教處謂之牛頭宗有丹竈

在禪堂內投以石鼓峯北有石如臥唐塔大歷元年代

薪火風自內生鼓鼓天雨則自鳴唐塔宗感夢因敕

建七級大銀杏樹其勝有兜率巖文殊洞含虛閣

能仁寺在南城外去聚寶門二里天竺山舊在古臺城

西宋元嘉中建唐會昌中廢楊吳改報先院南唐改興

慈院宋開寶廢太平興國更建改名承天寺政和復名



能仁建炎中燬於兵慶元重修慶元志謂卽昇明初寺元寺舊址恐非

災洪武戊辰改建今地嘉靖復災萬厯間重修

國朝順治間復修

按景定志能仁寺在南廂嘉瑞坊慶元間游九言謂寺南接秦淮數百步至道

中有圓覺律師德明者際遇太宗召見賜御容及羅漢像以歸更律院爲禪寺

宏濟寺今名永濟寺在城東北觀音門外燕子磯側洪武初卽山建觀音閣正德初就閣建寺賜今額殿閣皆緣崖構成危石半空嵌絕壁上以鐵鑱穿石繫柱俯臨大江最爲勝處今江流北徙洲渚環抱寺之奇險略異疇昔而江天曠偉之觀自在也

國初重修禪堂極爲壯麗乾隆十五年於寺內恭建

行宮以備

駐蹕

慧居寺在府治東六十里寶華山梁寶誌開創明初久廢萬歷間李太后夢一山皆蓮下部徧訪乃敕建銅殿一座供大士賜額聖化隆昌寺崇正十年三昧律師住錫茲山爲律堂

國朝順治二年律師見月恢宏其制建石戒壇於銅殿下  
康熙四十二年

聖祖仁皇帝巡幸

御書慧居寺額賜改今名內有藏經樓供奉

敕賜藏經並

御書墨寶

高座寺在南門外雨花臺梅岡上晉永嘉中名甘露寺  
西竺僧尸黎密來中國爲王丞相等所敬因號所居爲  
高座旣卒於塚側立刹謝鯤仍名爲高座寺

見世說梁新語註

時寶公主其寺有雲光法師坐山巔說法感天雨寶花  
唐盧襄名之曰雨花臺有志公手植松中孚塔甘露井  
宋末燬於兵明重修

國朝順治十五年更建大殿今亦就圯

迴光寺本蕭寺在城南隅梁武帝建命蕭子雲飛白大

書曰蕭寺

見杜陽雜編

唐有李約購取建蕭齋後人妄以帝

氏目之卽此額也南唐名法光寺宋改名曰鹿苑寺明

永樂間有迴光大士自西域至重建改賜今額寺後卽

周處臺有郗氏窟相傳梁武郗后化蟒處

事見南史及梁皇懺序但

以爲卽在此地似未可信

按唐劉長卿將赴嶺外畱題蕭寺自注寺

卽梁朝蕭內史勗蕭子雲爲臨川內史然則寺卽子雲

所建蕭字或其題款蕭帝之名殆傳會也

南史任孝恭少從蕭寺雲

法師讀經凡唐人題咏皆稱蕭寺無蕭帝名

碧峯寺在南門外本晉瑞相院永嘉中爲寺唐貞觀敕

褚遂良重建改名翠靈宋淳化改名妙果元至元中改

鐵索寺洪武初重建以居碧峯禪師因以名寺敕宋濂為碑

國朝順治十三年重修

按乾道志本晉時尼寺宋元嘉時西域尼鐵索羅等至建業止此故

號鐵索羅寺

寶光寺在梅岡東南舊名天王寺劉宋大明中建梁廢為昭明太子果園楊吳時為徐景通園南唐保大間更建奉光禪院後葬曇師起塔名寶光塔院元改為寺明洪武賜今額

鷲峯寺明天順間即青溪閣建寺賜額鷲峯在東水關之南

青溪閣宋淳熙間史正志建廉志云在府治東北此宋府治在舊王府東北當中正街處不應在秦淮

南今世指鷲峯西溝  
爲青溪其誤明矣

或云舊爲梁法光寺法光卽鹿苑

寺卽山而成今鷲峯無山恐非是

清涼寺在城西石城門內清涼山楊吳順義中建名興  
教寺南唐改名清涼道場宋太平興國改廣慧禪寺蘇  
軾嘗捨彌陀像於寺有詩明初周王某重建賜額清涼  
寺左有清涼臺本南唐翠微亭舊址

國朝重建亭仍舊名

承恩寺在城內三山街之東鍼功坊明舊內旁御用監  
王瑾故宅景泰間改爲寺敕賜今額

嘉善寺在城西北距神策門五里牧馬所鐵石山相傳

是達摩渡江處有石佛閣不知建自何代明正統間僧法通掛錫於此因建寺奏賜今額

祈澤寺在高橋門外祈澤山宋少帝建名祈澤治平寺唐會昌中廢南唐昇元間復元至正重建明嘉靖間修

葺爲祈禱雨澤處

王安石有游祈澤寺詩

其北卽天寧寺

雲居寺在高橋門外鍾山舊有雲居寺見昔人題咏今此寺相去遠或移改仍因舊名無考

莊嚴寺在高橋門外鳳城鄉按謝尙捨宅造莊嚴寺在城中竹格渡宋大明中路太后另造莊嚴寺於城西南樂園改謝寺爲謝鎮西寺謝寺經陳大建元年燬孝宣

敕改興寧寺不知何年徙此舊說唐貞觀己酉牛頭惠忠禪師移住建法堂元季燬明永樂僧真常重建

江總有大

莊嚴寺碑銘梁元帝亦有碑

定林寺在高橋門外天印山

即方山

宋乾道間僧善鑑創

因定林寺在鍾山廢因請其額於此遂名此為下定林

寺而號鍾山廢寺為上定林寺

上定林寺見齊書祥瑞志已有其名

明宏

治重建或謂此地即齊武帝欲起離宮處也

元虞集有定林寺記

有昭明讀書臺諸寺奇物記云方山定林寺有乳鐘一

百八乳乳異聲相傳景陽鐘也

本業寺在麒麟門外建康實錄梁天監年建本釋淨玉



捨宅南唐保大間重修有唐乾德年碑尙存

普濟寺在麒麟門外金陵新志載實錄梁頭陀寺在蔣山頂後徙置山下宋治平改額普濟寺今寺名同而地亦相近爲古普濟未可知

草堂寺在城東北去太平門二十七里草堂寺本在鍾山齊周彥倫捨宅建名草堂寺宋紹興重賜額元泰定間殿宇大修至正毀於兵燹洪武以鍾山地爲開平忠武王墓撥楊府莊田易之徙寺於此

梁沈約有草堂寺會食文

永慶寺在城內北門橋鐵塔寺後梁天監間永慶公主香火因名寺有塔又名白塔寺代遠傾圮惟塔獨存明

漢武間重建賜今額正德間重修寺左數十武卽謝公墩

幽棲寺在牛首宏覺卽幽棲寺今別有幽棲祖堂寺或是宏覺所分唐貞觀時以法融居此爲南宗第一更名祖堂楊吳改延壽院宋治平復爲幽棲明代屢修海天竺雪峯覺浪後先住錫

國朝康熙六年中丞林公捐貲置靜室勒石爲記

花巖寺在南門外幽棲之北卽古獻花巖法融居此有百鳥獻花故名自唐迄元爲僧舍明成化時始建寺賜今額有芙蓉閣翠微房澄江臺大觀堂康熙中林天擎

建滴翠軒踞一寺之勝

吉祥寺在定淮門內清涼山之北元時爲天如廟永樂初奏建改寺萬歷間僧具慶募修

金陵寺在定淮門內馬鞍山唐僧貫休建明正統中內使金普英重修賜額懷宗時廬山僧融城居此墓塔在山後今其徒隱明嗣法南澗開禪於此山門重新

莫府寺在莫府山梁武與誌公來游始建寺因名莫府寺明萬歷間重修山有達摩洞相傳達摩折蘆渡江處崇因寺在南門外十里安德鄉宋時名曠野寺梁元帝有碑齊廢梁大同中復唐以法融嘗居此改禪居院宋

改額曰崇因嘉靖間重修

此地舊爲新亭有東坡畫像頌又劉誼詩十里崇因寺臨

江水氣清皆爲寺證

三塔寺在城北大壯觀山上去神策門一里宋建明永樂間雞鳴寺僧德琮奉旨於靈谷寺建法會因口奏與爲雞鳴寺塔院正統間賜額萬厯間重修有寒光亭宋張孝祥有三塔寺寒光亭詩

清真寺在觀音門乾道志云舊名清元寺梁大通年建後廢唐大中間復舊有梁時佛像宋建炎燬明成化年重建

接待寺在城西去三山門外六里明洪武敕建接待十

方

香林寺在太平門內明時建名寺

朝康熙三十八年

皇帝南巡改今名按此與宋慶元志所載杜桂邨之香林寺在高橋門外者各別

普惠寺在三山門外永樂間爲唱經樓天順年重修賜額每正旦百僚於此拜送表牋今爲禪院

永寧寺在南門外梅岡按高座亦名永寧今分爲二後有方孝孺景清祠木末亭松風閣中孚井

李太白從子名中孚披緇

止高左有泉名永寧

座寺

普緣寺晉名耆闍寺在城西北神策門內明成化間僧  
能智重修奏賜今額

陳張正見唐孟浩然  
皆有游耆闍寺詩

康熙三年重

修

無垢寺去三禪五里梁天監年建宋乾道志名無垢院  
明重修

法清院在府治東去靈谷寺七十里梁天監年建名法  
清院宋王拱辰題額曰昭文精舍元至元中改昭文書  
院明正德間重葺

西天寺在南門外重驛街亦名馴象街西北卽報恩寺  
後明初西域僧班的荅來朝賜號善世居此示寂敕建

塔名西天

永福寺在府治南天竺山前宋乾道志云在廣濟倉東  
治城東南本晉開福寺後徙此改景福寺南唐避諱改  
永福舊有孔雀壇成化中燬宏治間重修

慧光寺在府治南牛首山東北宋治平中建南史周興  
嗣傳梁武以同夏里三橋舊宅捨爲寺名光宅雲光禪  
師講法華經於此有天花如雨沈約簡文元帝皆有碑  
銘及詩宋治平間移建於此因賜古光宅寺額遂名光  
宅王荆公詩今知光宅寺牛首正當門臺殿  
金碧毀邱墟桑竹繁則古寺之廢久矣明洪武間  
重修賜額慧光寺東有寂照寺西有靜明寺

福興寺在府治南天竺山梁大同二年袁平建唐上元二年僧道融移舊額改創明重修有唐碑在焉今僧舍圯廢

慧照院在通濟門內百川橋明洪武間建後廢地湧青蓮掘得銅佛宏光時內監施某改宅後復爲僧院

紫竹林在城北耆閣山明崇正間雲居顓愚和尚

師初在江

西青源嘗坐繖下入定如木石又稱繖居

愛此地靜僻結茅茲山自題曰紫

竹林

國朝康熙六年太守陳開虞構攬勝亭作碑記

唱經樓在城內北門橋之北明永樂仁孝皇后建



祇陀林在城南隅鳳皇臺之南明崇正間建徑山雪嶠  
天童五峯住錫於此

經廠菴在馴象門內明永樂仁孝皇后建賜碧玉鎮殿  
西洋槐二株刻藏經板貯於內明末廢

國朝順治六年僧默如重修

以上  
府城

興教寺在句容縣治東晉咸寧間建明永樂重建

崇明寺在縣治東北隅晉咸熙中建名義和梁昭明書  
額唐會昌中廢天祐二年重建宋太平興國改今額寺  
有僧伽塔甚峻明隆慶四年大學士李春坊重修鐘樓  
有趙子昂題扁崇正十六年再修

國朝順治四年告成

金華寺在縣治東南隅晉咸康三年尚書令李邕捨宅

造靈曜寺宋改今額

以上句容

永壽寺在溧水縣治南明萬歷間形家言縣治西北出水處無山知縣徐良彥勅塔寺以補之初名永昌後敕改今名

國朝順治五年僧永泰重修

開福寺在縣南門外唐開元中建明永樂間重修

興化寺在縣東北三十里唐大中初建初名延安寺明

洪武中重修改今名

無想寺縣南一十八里無想山一名寂院

明覺寺縣治西四十里唐咸通間荆名正覺宋嘉定重修元大順改今額明崇正時圯僧性蘭募修

廣嚴寺縣治北四十里唐天復三年荆初名儀成宋治平三年賜今額明萬歷重修

以上  
溧水

飛來寺在高淳縣西南明天啟二年忽有銅像彌勒佛一尊在太平圩之東角及旦黃沙蔽天縣令及士民咸

集遂以建寺名飛來寺

以上  
高淳

孤舟寺在江浦西門定山珠泉之間路通京省明萬歷丁酉僧孤舟結茅濟衆故名

國朝康熙辛丑律僧滋遠居之募修浦口至滁之關山路

一百二十里又建利洪橋

以上江浦

長蘆崇福禪寺在六合縣南七十五里宋天聖中章獻太后爲玉泉長老建明洪武重修

國朝順治十年天界禪師覺浪改禪院

劉攽王安石梅聖俞黃庭堅蘇軾皆

詩有

靈巖寺在縣東十五里靈巖山上唐咸通中建明洪武重建

定山寺在六合山直定山第一峯梁時建有卓錫泉世傳達摩思西土水以杖卓石得泉有古銀杏二古檜二

皆數百年物

祇洹寺在縣北五十里不知何時建舊說寺有解脫禪師隋主問何以伐陳師云乘桃葉而渡必克晉王廣乃自桃葉山渡遂造寺

以上六合

朝天宮在府城西舊說卽古冶城址劉宋建國學於此楊吳時建紫極宮宋改天慶觀元改元妙觀又昇爲永壽宮明洪武十七年重建賜今額殿後有萬歲亭凡大朝賀於此習儀晉西園下壺墓郭文學臺皆在側明初建西山道院以館劉真人又有飛霞飛雲景陽三閣臨眺踞一城之勝

國朝康熙三十年

聖祖仁皇帝南巡臨幸

皇太后恩賞銀一千兩修葺廟宇

真武行宮在城西北本吳元武觀趙宋真武廟明爲神樂觀在洪武門天壇西

天妃宮在獅子山下明永樂十四年敕建宮殿華峻廊廡繪海中靈玉泉閣高可見江有明文皇御製碑

盧龍觀在盧龍山明高帝尅陳友諒親樹旌麾督戰於此嘗欲建閱江樓不果

洞神宮在淮清橋西舊爲老子宮在鍾山下宋景定四

年畱守姚希得久宦不歸希得蜀人乃作蜀三神祠於青溪渚因以洞神舊額加之世傳此爲江總故宅故希得欲以神祠存之

靈應觀在石城門內宋名隆恩祠明正統間改賜今額下有潭曰烏龍潭爲放生之所祈雨有驗故以靈應名洞元觀在天印山之麓俗傳葛洪飛昇處下有洗藥池鍊丹井

玉虛觀在上方門舊說吳時建唐保大構殿宇明萬歷重修

元真觀在中和橋北明永樂十八年爲敕封妙慧仙姑

建元金陵新志亦有元真觀或地改而名沿云

清源觀在雨花臺側宋爲清源廟明成化賜觀額

隱仙菴在清涼山虎踞關之側相傳陶宏景隱居於此故名明初冷鐵脚尹蓬頭諸人嘗遊於此菴有老桂相

傳爲宋時樹

以上  
府城

青元觀在句容縣治西南隅相傳爲葛洪故宅陶宏景有碑明正統間敕賜道經一藏於內

乾元觀在茅山大橫山下卽陶宏景所創鬱岡齋宋天聖間改今額

玉晨觀在雷平山北世稱第一福地有顏魯公書碑



天聖觀在茅山積金峯下

崇壽觀在大茅峯華陽洞南晉任敦舊宅元虞集有碑

記

華陽觀在崇壽西梁昭明置名鴻禧院唐寶曆二年改崇元聖祖院賈餗撰碑宋宣和改今名

紫陽觀在大茅峯下陶宏景勅徐鉉有碑

元陽觀在茅山唐顧況有詩

五雲觀在華陽洞西五雲峯下宋王欽若許國夫人請建景祐四年賜額晏殊有碑記

崇禧觀唐貞觀九年置太平觀以處王遠智宋祥符間

改今名張商英有碑記

靈寶院在玉晨觀卽昭真臺故基唐孫智清王棲霞重

建內有老君瑞相殿

以上句容

吳大帝陵在鍾山之南名孫陵岡自朝陽門至麒麟門相距二十里其間十三岡第三卽孫陵岡也步夫人合

葬

陵側有步夫人墩梁何遜有詩

晉元帝建平陵明帝武平陵成帝興平陵哀帝安平陵皆在雞籠山按雞籠山當在駐防城北鍾山之南麓俗以雞鳴寺山爲雞籠山誤也詳山水志

穆帝永平陵在莫府山西

康帝崇平簡文高平孝武隆平安帝休平恭帝冲平五陵皆在鍾山

宋武帝初寧陵在鍾山麓

文帝長寧陵與初寧相近南史齊豫章王嶷傳宋長寧陵隧道出疑第前武帝數幸疑第謂曰我便是入他家墓內尋人乃徙其表闕騏驎於東岡騏驎及闕形製甚巧宋孝武於襄陽致之今二石尙在騏驎門外道旁

明帝高寧陵在莫府山

齊文惠太子陵葬夾石

齊明帝沈太后明宣陵在莫府山

俗呼國婆墳

梁昭明太子安寧陵

舊志載在城東北四十五里或云城東燕雀湖故昭明墓也按南史

昭明太子葬安寧陵後元帝平建業時杜崩發安寧陵焚之以報岳陽王嘗昔發其祖墓爲漆碗之酷然則昭明之墓久無矣

傳者皆妄耳

陳高祖萬安陵在城東三十五里舊名陵里又曰天子

林石獸尙存今呼石馬沖

文帝永慶陵在陽山

明太祖孝陵在鍾山之陽與馬皇后合葬懿文太子附於左嘉靖十年更名鍾山爲神烈山

國朝定鼎設立守陵監二員陵戶四十名撥給司香田地

乾隆十六年三月裁革守陵司香太監但畱陵戶看守

明享孝陵皆魏國主祭兩廠太監跪送爵平時廠閹多  
凌鑠動戚獨不敢犯魏國往往於祭時告病以邀免役  
西漢甄邯墓在後湖側見南史何承天傳

吳甘寧墓在直濱山下伏滔北征記墓有王氣孫皓惡

之乃鑿其後爲直濱其水東西流入大江

按直濱東渠水當由燕子

磯下出江今河道已不可辨其西流水經明時建城隔斷全不可見矣

溫嶠墓初葬豫章朝廷思之乃爲遷葬莫府山

郭璞墓在元武湖中世名郭僊墩按璞見殺於桓溫正  
在南岡其葬於此理或有然世傳在金山者乃未可信  
耳

下壺墓在朝天宮西歷代更修今完好如新

傅亮有修下忠貞墓

啟相傳明太祖微行遇一婦人素服行哭已而大笑太祖問之對曰吾夫子皆死是以哭然吾夫爲忠臣子爲孝子是以笑問墓所在指示之明日視之乃下壺墓也乃爲立廟

王導墓在莫府山西與宋明帝陵相近

顏含墓在靖安鎮曾孫延之銘十四代孫真卿重書立石

謝惠連墓在宣義鄉與本業寺相近

謝靈運墓在本業寺

柳世隆墓在兒塘按世傳隆曉術數與賓客游兒塘側每往常坐一處及卒墓正當其坐處

劉獻墓在青龍山謝眺蕭子良等皆有詩

裴邃墓在光宅寺西松柏鬱茂范雲墓在三橋蓬蒿不  
剪梁武南郊經二墓嘆曰范爲已死裴爲更生大同初  
都下久旱樹木凋盡獨邃墓蓊葱自若

王僧辨墓在方山僧辨爲陳武帝所害父子七人同瘞  
一穴宣帝時故吏許亨抗表請以家財造墓葬之

顏尚書墓在來蘇鄉後顏邨舊謂魯公非也考魯公上  
世多葬金陵延之與子峻皆歷尚書或是二人之墓

王安石墓在半山寺今寺廢不知所在或以爲卽今太  
平門內香林寺址是

楊宗閔王偉墓皆在鍾山鄉

張孝祥墓在清果寺

明中山王徐達墓在鍾山之陰

高帝親爲碑文

開平王常遇春墓在鍾山之陰

宋濂撰碑

岐陽王李文忠墓在鍾山之陰

勅董掄撰碑

信國公東甌王湯和墓在鍾山之陰

斯國公康茂才墓在莫府山

東邱郡侯花雲墓在上元縣南五十里水橋

侯懷遠人明初守太

平陳友諒入寇城陷不屈死妻郤氏赴水死侍兒孫氏  
瘞郤氏抱子緯匿水中七日不死遇老父偕行達金陵  
高帝置兒於膝曰此將種也授左衛指揮洪武七年至  
太平奉母郤夫人發歸束草像父加以衣冠合葬於此  
宋濂爲墓啟  
有花雲兒詩



燕山侯孫興祖墓在鍾山

公定遠人洪武三年封江陰侯卒贈江國公諡襄烈

江國公吳良墓在鍾山

良之弟

海國公吳禎墓在鍾山

諡襄毅

滕國公顧時墓在鍾山

公濠人諡襄靖

安陸侯吳復墓在鍾山

侯合肥人諡威毅

許國公王志墓在鍾山

公濠人洪武三年封六安侯卒贈許國公諡襄簡

沂國公金朝興墓在太平門外

靜誠先生陳遇墓在鍾山

太常寺卿呂本墓在鍾山

尙書王廠墓在土山

太子太保梁材墓在白山

刑部尙書顧璘墓在彭城山

少司馬李喬墓在太平門外黃練岡

太子少傅諡莊節公張可大墓在騏驎門外侯家塘

坦然先生周文煒墓在騏驎門鎖石邨

太僕寺卿方大美墓在秣陵關邵邨

公桐城人官南畿太僕寺卿遂居此

子名拱乾崇正戊辰進士廬墓三年

芮國公楊璟墓在鍾山

公合肥人賜葬

汝南侯梅思祖墓在鍾山

侯夏邑人賜葬

以上上元

宋孝武帝景寧陵在巖山路太后陵在東南

少帝陵在南郊壇

前後兩廢帝在郊壇西太宗卽位遷前廢帝何皇后合

葬龍山北

龍山卽巖山

梁元帝陵在縣未詳所在

陳天嘉元年詔梁孝元遭罹

有異常倫遣使迎接已次近路江寧旣是舊塋宜卽安卜

齊豫章王嶷竟陵王子良墓在金牛山

梁文宣阮太后陵在博望山

南唐昭惠后懿陵未詳

後主有詩

明高帝張賢妃墓在牛首

高帝李順妃墓在吉山東北

明韓憲王墓在安德鄉俗呼韓府山卽巖山王諱松帝第二子

駙馬都尉梅殷墓在牛首

殷汝南侯息子尚寧國公主靖難兵起公移書阻之

及兵至淮北與公主書令遷太平門外勿罹兵禍公主不答殷既爲諱深等所害有瓦刺輝者口外人素屬殷幕下憤深等害殷請於上割二人

心祭殷祭畢自經死葬殷墓側

太祖臨安公主駙馬李祺合葬在祝禧寺永樂初不朝賜死於江浦

福清公主駙馬張麟墓在七里鋪東

南康公主駙馬胡觀死靖難之役葬牛首下將軍山公主葬馴象門外賽工橋

含山公主駙馬尹清墓在雨花臺

汝賜公主駙馬謝達墓在安德鄉

常寧公主駙馬沐昕墓在長泰北鄉

張悌墓在板橋西

晉王祥墓在縣南按太保卒於西京墓不應在此景定志云當是南渡時丞相導奉之以來姑存之以廣聞

衛玠墓在新亭

阮籍墓在鳳凰臺按籍卒於魏時墓不應在此舊傳明萬歷間李昭掘得石碣有晉賢阮已又得半段曰籍之墓遂謂阮墓在此既稱之曰晉賢則其爲後人所立而

非當時墓阡可知此不足信

謝文靖公安墓在城南梅岡

舊志云墓前有無字碑引漢晉紀事以爲功德難述

故也又引南史云郡吏南陽樂藹與沈約書請爲碑約答曰安石素族之台輔時無麗藻迄今有碑無文蓋謂此也按此見南史齊豫章文獻王疑傳疑薨其故吏樂藹等欲率荆江湘三州僚吏建碑請沈約爲文約荅曰郭有道漢末之匹夫非蔡伯喈不足以偶三絕謝安石素族之台輔時無麗藻迄乃有碑無文況文獻王冠冕羹倫儀刑寓內自非一代詞宗難或與此閭命慙顏云云約意蓋謂文藻不工與無文同非真謂謝碑無字也景定建康志遂謂安墓前有白碑淺陋已極而舊志沿踵其謬幾謂齊梁之樂藹爲晉謝安之故吏尤爲謬妄大約建康志所載

事率多類此云

甘卓墓在江寧縣雲臺山南五圖地名甘泉里俗稱甘

墓岡嘉慶十六年其裔孫福爲重修立碑

南唐韓熙載墓在聚寶門外雨花臺初熙載得罪南遷  
上表陳謝後主覽而悲之遂免南行尋終於城南戚家  
山賜衾稠以殮贈平章事所謂無贈宰相例後主曰  
當自我始徐鉉祭文黔婁之衾賜之御府季子之印佩  
入泉扃

按熙載之死宋有一  
小說云在圍城中

宋楊邦乂墓在聚寶門外

楊萬里有三月三  
日上忠襄公墳詩

秦檜墓在江寧鎮南十里牧牛亭又名木龍亭元兵渡  
江屯於墓側兵士踐穢時人呼爲穢塚明萬歷年有人  
發其塚內惟銅鑪及瓶盂而已

元忠臣墓至正丙申三月明祖取集慶路行省丞相紀

綱抗禦兵敗全家被戮葬於今貢院明遠樓下嗣建貢  
院卽以此樓鎮之四百年來未有議改葬者爲一闕典  
公靈爽赫奕人奉爲貢院中土神當時御史大夫福壽  
同死不知何以獨祀鳳臺門又不知墓處

元劉叔亮墓在雨花臺趙孟頫有登雨花臺弔故人劉  
叔向墓詩

明寧河王鄧愈墓在城南鄧府山

黔寧王沐英墓在長泰北鄉

虢國公俞通海墓在聚寶山

越國公胡大海墓在城南十五里



梁國公趙德勝墓在烏石岡

鄭國公馮國用墓在鳳西鄉

陝國公郭子興墓在聚寶山

營國公郭英墓在聚寶山

夏國公顧成墓在安德門外晉化寺

公湘潭人  
諡武毅

蔡國公徐忠墓在城南十五里

永樂中賜葬  
楊士奇撰碑

鄆國公宋晟墓在聚寶門外

永樂中  
賜葬

安遠侯柳斗墓在安德鄉

隆平侯張信墓在朱門山

忻城伯趙彝墓在鳳臺門東

懷遠侯墓在板橋

開平王孫嘉靖中續封

瑞安侯王源墓在聚寶門外

豐城侯李彬墓在吉山

武靖伯趙公墓在雨花臺

南寧伯毛元墓在安德門

太子少保唐鐸墓在南門十五里

鳳陽人賜葬

韓成墓在吉山

成死郡陽之戰康郎山祀功臣以成爲首

正學先生方孝孺墓在聚寶山側

公寧海人文皇命草詔不屈磔死羹其族

門人王稔收遺骸葬聚寶山或曰土人以盜竊葬萬歷間湯顯祖爲文立石表其墓鄭曉吾學編收孝孺骸者

都督廖鏞

淳泥國王墓在石子岡

永樂中來朝  
卒賜葬於此

學士張益墓在鳳西鄉

公卒於土木之變成化己巳  
季子太僕丞翔具衣冠葬此

太子少保周瑄墓在安德鄉

太子少保童軒墓在鳳臺岡

禮部尙書倪謙墓在新亭鄉

少保倪岳墓在新亭鄉

刑部尙書張瑄墓在唐家山

右都御史張琮墓在鳳西鄉

太保王以旗墓在白山

禮部侍郎殷邁墓在白家湖

刑部侍郎吳自新墓在江寧鎮

大學士何寵墓在江寧歸善鄉

公桐城人崇正時入閣

靖南侯黃得功墓在方山

友菊居士賀確墓在鳳西鄉

以上江寧

晉葛洪墓在句容縣西一里

紀瞻墓在縣東南二十五里

梁陶宏景墓在雷平山

明吏部尚書曹義墓在箭塘山

太僕寺卿張諫墓在福祚鄉

以上句容

尚書端木復初墓在溧水縣北十五里

宋濂撰志銘

翰林待詔端木孝文墓

孝子梅洪墓在城北

明齊泰墓在溧水縣南青絲洞

以上溧水

南唐慶王墓在高淳縣南

王名宏范元宗第二子

宋童國秀墓在胥河之北

寶祐二年國秀判成都元兵犯蜀國秀死之朝廷旌其忠

賜葬於此

宋魏良臣墓在縣南南塘

楚項王墓在江浦烏江鎮

宋張孝祥墓在江浦縣黃悅嶺

明吏部侍郎莊景墓在定山

以上江浦

唐貞晦先生張融墓在六合縣棠邑鄉貞元中呂溫表  
其墓

刑部左侍郎李敬墓在龍山

以上  
六合